

OFFERYNNAU STATUDOL CYMRU

2018 No. 191

Rheoliadau Addysg (Cymorth i Fyfyrrwyr) (Cymru) 2018

RHAN 4

CYSYNIADAU ALLWEDDOL

PENNOD 1

CYRSIAU DYNODEDIG

Cyrsiau dynodedig

5. Yn y Rheoliadau hyn (ac at ddibenion adran 22 o Ddeddf Addysgu ac Addysg Uwch 1998 (“Deddf 1998”)) mae cwrs yn gwrw dynodedig—

- os yw’n bodloni pob un o’r amodau yn rheoliad 6(1), a
- os nad yw’n dod o fewn unrhyw un neu ragor o’r eithriadau yn rheoliad 7(1).

Gwybodaeth Cychwyn

II Rhl. 5 mewn grym ar 12.3.2018, gweler [rhl. 1\(2\)](#)

Cyrsiau dynodedig – amodau

6.—(1) Yr amodau yw—

Amod 1

Mae’r cwrs yn un o’r canlynol—

- cwrs gradd gyntaf;
- cwrs ar gyfer y Diploma Addysg Uwch;
- cwrs ar gyfer Diploma Cenedlaethol Uwch neu Dystysgrif Genedlaethol Uwch y canlynol—
 - y Cyngor Addysg Busnes a Thechnoleg, neu
 - Awdurdod Cymwysterau’r Alban;
- cwrs ar gyfer y Dystysgrif Addysg Uwch;
- cwrs ar gyfer hyfforddiant cychwynnol athrawon;
- cwrs o hyfforddiant pellach i weithwyr ieuenctid a chymunedol;
- cwrs i baratoi at arholiad proffesiynol o safon sy’n uwch na’r canlynol—
 - arholiad safon uwch ar gyfer y Dystysgrif Addysg Gyffredinol neu arholiad lefel uwch ar gyfer Tystysgrif Addysg yr Alban; neu

Statws Golwg cyfnod mewn amser fel yr oedd ar 30/07/2018.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)

- (ii) arholiad ar gyfer Tystysgrif Genedlaethol neu Ddiploma Cenedlaethol y naill neu'r llall o'r cyrff a grybwyllir ym mharagraff (c),
- cyhyd ag nad yw gradd gyntaf (neu gymhwyster cyfatebol) fel arfer yn ofynnol ar gyfer mynediad i'r cwrs;
- (h) cwrs—
 - (i) sy'n darparu addysg (pa un a yw i baratoi at arholiad ai peidio) y mae ei safon yn uwch na safon cwrs a grybwyllir ym mharagraff (g) ond nad yw'n uwch na safon cwrs gradd gyntaf, a
 - (ii) nad yw gradd gyntaf (neu gymhwyster cyfatebol) fel arfer yn ofynnol ar gyfer mynediad iddo.

Amod 2

Mae'r cwrs naill ai'n—

- (a) cwrs llawnamser,
- (b) cwrs rhyngosod, neu'n
- (c) cwrs rhan-amser.

Amod 3

Hyd y cwrs yw o leiaf un flwyddyn academiaidd.

Amod 4

Pan fo'r cwrs yn gwrs llawnamser, mae'n cael ei ddarparu gan—

- (a) sefydliad addysgol cydnabyddedig (pa un ai ar ei ben ei hun neu ar y cyd â sefydliad sydd y tu allan i'r Deyrnas Unedig),
- (b) elusen o fewn yr ystyr a roddir i "charity" gan adran 1 o Ddeddf Elusennau 2011(1) ar ran sefydliad rheoleiddedig Cymreig, neu
- (c) sefydliad a gyllidir yn gyhoeddus ar ran sefydliad rheoleiddedig Seisnig.

Pan fo'r cwrs yn gwrs rhan-amser, mae'n cael ei ddarparu gan sefydliad a gyllidir yn gyhoeddus (pa un ai ar ei ben ei hun neu ar y cyd â sefydliad sydd y tu allan i'r Deyrnas Unedig).

Amod 5

Mae o leiaf hanner yr addysgu a'r goruchwylio sy'n ffurfio'r cwrs yn cael ei ddarparu yn y Deyrnas Unedig.

Amod 6

Mae'r cwrs yn arwain at ddyfarndal sydd wedi ei roi neu sydd i gael ei roi gan gorff sy'n dod o fewn adran 214(2)(a) neu (b) o Ddeddf Diwygio Addysg 1988(2) oni bai bod y cwrs yn dod o fewn paragraff (c) neu (e) o Amod 1.

(2) At ddibenion Amod 4—

- (a) mae cwrs yn cael ei ddarparu gan sefydliad os yw'n darparu'r addysgu a'r goruchwylio sy'n ffurfio'r cwrs, pa un a yw'r sefydliad wedi ymrwymo i gytundeb â'r myfyriwr i ddarparu'r cwrs ai peidio;
- (b) bernir bod prifysgol, ac unrhyw goleg cyfansoddol mewn prifysgol, neu sefydliad cyfansoddol sydd o natur coleg mewn prifysgol, yn sefydliad addysgol cydnabyddedig

(1) 2011 p. 25.

(2) 1988 p. 40; diwygiwyd adran 214(2) gan Ddeddf Addysg Bellach ac Uwch 1992 (p. 13), adran 93 ac Atodlen 8.

os yw naill ai'r brifysgol neu'r coleg neu'r sefydliad cyfansoddol yn sefydliad addysgol cydnabyddedig;

- (c) ni fernir bod sefydliad yn sefydliad addysgol cydnabyddedig dim ond oherwydd ei fod yn sefydliad cysylltiedig o fewn ystyr "connected institution" yn adran 65(3B) o Ddeddf Addysg Bellach ac Uwch 1992 sy'n cael, oddi wrth gorff llywodraethu sefydliad arall, y cyfan neu ran o unrhyw grantiau, benthyciadau neu daliadau eraill a ddarperir i'r sefydliad arall hwnnw yn unol ag adran 65(3A) o'r Ddeddf honno(3).

(3) Yn y rheoliad hwn, os yw paragraff (4) yn gymwys i gwrs, ystyrir ei fod yn gwrs sengl ar gyfer gradd gyntaf (neu gymhwyster cyfatebol) hyd yn oed os yw'r cwrs yn arwain at roi gradd neu gymhwyster arall cyn y radd (neu'r cymhwyster cyfatebol) (pa un a yw rhan o'r cwrs yn opsiynol ai peidio).

(4) Mae'r paragraff hwn yn gymwys i gwrs—

- (a) nad yw ei safon yn uwch na safon gradd gyntaf, a
- (b) sy'n arwain at gymhwyster fel meddyg, deintydd, milfeddyg, pensaer, pensaer tirwedd, dylunydd tirwedd, rheolwr tirwedd, cynllunydd tref neu gynllunydd gwlad a thref.

Gwybodaeth Cychwyn

I2 Rhl. 6 mewn grym ar 12.3.2018, gweler [rhl. 1\(2\)](#)

Cyrsiau dynodedig – eithriadau

7.—(1) Yr eithriadau yw—

Eithriad 1

Cwrs a ddilynir fel rhan o gynllun hyfforddi athrawon ar sail cyflogaeth.

Eithriad 2

Cwrs sy'n dod o fewn paragraff (g) neu (h) o Amod 1 o reoliad 6(1) os yw corff llywodraethu ysgol a gynhelir wedi trefnu i'r cwrs gael ei ddarparu i un o ddisgyblion yr ysgol.

(2) At ddibenion Eithriad 1, ystyr "cynllun hyfforddi athrawon ar sail cyflogaeth" yw—

- (a) cynllun a sefydlir gan Weinidogion Cymru o dan reoliad 8 o Reoliadau Addysg (Cymwysterau Athrawon Ysgol) (Cymru) 2004(4) neu o dan reoliad 8 o Reoliadau Cymwysterau Athrawon Ysgol (Cymru) 2012(5), sy'n caniatáu i berson ymgymryd â hyfforddiant cychwynnol athrawon er mwyn ennill statws athro cymwysedig neu athrawes gymwysedig tra bo'n cael ei gyflogi i addysgu mewn ysgol a gynhelir, ysgol annibynnol neu sefydliad arall ac eithrio uned cyfeirio disgyblion;
- (b) cynllun a sefydlir gan yr Ysgrifennydd Gwladol sy'n caniatáu i berson ymgymryd â hyfforddiant cychwynnol athrawon er mwyn ennill statws athro cymwysedig neu athrawes gymwysedig tra bo'n cael ei gyflogi i addysgu mewn ysgol, coleg dinas, Academi, ysgol annibynnol neu sefydliad arall ac eithrio uned cyfeirio disgyblion.

(3) At ddibenion Eithriad 2, ystyr "ysgol a gynhelir" yw—

- (a) ysgol gymunedol, ysgol sefydledig neu ysgol wirfoddol,
- (b) ysgol arbennig gymunedol neu ysgol arbennig sefydledig, neu

(3) 1992 p. 13; mewnosodwyd is-adrannau (3B) a (3A) o adran 65 gan Ddeddf Addysgu ac Addysg Uwch 1998 (p. 30), adran 27.
(4) O.S. 2004/1729 (Cy. 173), fel y'i diwygiwyd gan O.S. 2007/2811 (Cy. 238), O.S. 2008/215 (Cy. 26) ac O.S. 2010/1142 (Cy. 101). Dirymwyd O.S. 2004/1729, gydag arbedion, gan O.S. 2012/724 (Cy. 96).
(5) O.S. 2012/724 (Cy. 96).

Statws Golwg cyfnod mewn amser fel yr oedd ar 30/07/2018.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tim yn ymddangos yn y cynnwys a chyfeirir atynt gydag anodiadau. (See end of Document for details)

(c) ysgol feithrin a gynhelir.

Gwybodaeth Cychwyn

I3 Rhl. 7 mewn grym ar 12.3.2018, gweler **rhl. 1(2)**

Dynodi cyrsiau eraill

8.—(1) Caiff Gweinidogion Cymru bennu bod cwrs i'w drin fel pe bai'n gwrs dynodedig er gwaethaf y ffaith na fyddai fel arall yn gwrs dynodedig, oni bai am y dynodiad **(6)**.

(2) Caiff Gweinidogion Cymru atal dros dro neu ddirymu dynodiad cwrs a wneir o dan baragraff **(1)**.

Gwybodaeth Cychwyn

I4 Rhl. 8 mewn grym ar 12.3.2018, gweler **rhl. 1(2)**

PENNOD 2

CYMHWYSTRA

ADRAN 1

Myfyrrwyr cymwys

Myfyrrwyr cymwys

9.—(1) Mae person yn fyfyriwr cymwys mewn cysylltiad â chwrs dynodedig y mae'r person yn ymgymryd ag ef—

(a) os yw'r person yn dod o fewn un o'r categorïau o bersonau a nodir yn Atodlen 2 ac nad yw unrhyw un neu ragor o'r eithriadau a nodir yn rheoliad 10 yn gymwys i'r person, neu

(b) os yw amgylchiadau'r person yn dod o fewn un o'r achosion a nodir yn rheoliad 11.

(2) Dim ond mewn cysylltiad ag un cwrs dynodedig y caiff person fod yn fyfyriwr cymwys ar unrhyw un adeg.

Gwybodaeth Cychwyn

I5 Rhl. 9 mewn grym ar 12.3.2018, gweler **rhl. 1(2)**

Myfyrrwyr cymwys - Eithriadau

10.—(1) Nid yw person ("P") yn fyfyriwr cymwys os yw unrhyw un neu ragor o'r eithriadau a ganlyn yn gymwys—

Eithriad 1

(6) Gweler <http://www.cyllidmyfyrrwycymru.co.uk/ymarferwyr/gwybodaeth-polisi/cyrsiau-dynodedig.aspx> i gael rhestr o gyrsiau dynodedig sydd wedi eu pennu, wedi eu hatal dros dro neu wedi eu dirymu gan Weinidogion Cymru o dan y rheoliad hwn.

Pan fo'r cwrs dynodedig yn gwrs llawnamser, mae dyfardal o fewn ystyr Rheoliadau Addysg (Dyfarndaliadau Mandadol) 2003(7) wedi cael ei roi i P mewn cysylltiad â'r cwrs.

Eithriad 2

Pan fo'r cwrs dynodedig yn gwrs llawnamser, mae P yn gymwys i gael benthyciad mewn perthynas â blwyddyn academiaidd o'r cwrs dynodedig o dan Orchymyn Addysg (Benthyciadau i Fyfyrrwyr) (Gogledd Iwerddon) 1990(8).

Eithriad 3

Mewn cysylltiad â P yn ymgymryd â'r cwrs dynodedig, rhoddwyd i P neu talwyd iddo—

- (a) pan fo'r cwrs yn gwrs llawnamser—
 - (i) bwrsari gofal iechyd, nad yw ei swm yn cael ei gyfrifo drwy gyfeirio at incwm P (oni bai ei fod yn grant bwrsari at gostau byw), neu
 - (ii) lwfans o dan Reoliadau Lwfansau Myfyrrwyr Nyrsio a Bydwreigiaeth (Yr Alban) 2007(9);
- (b) pan fo'r cwrs yn gwrs rhan-amser—
 - (i) bwrsari gofal iechyd (pa un a yw wedi ei gyfrifo drwy gyfeirio at incwm P ai peidio),
 - (ii) lwfans o dan Reoliadau Lwfansau Myfyrrwyr Nyrsio a Bydwreigiaeth (Yr Alban) 2007, neu
 - (iii) lwfans gofal iechyd yr Alban (pa un a yw wedi ei gyfrifo drwy gyfeirio at incwm P ai peidio).

Eithriad 4

Mae P wedi torri rhwymedigaeth i ad-dalu benthyciad myfyriwr.

Eithriad 5

Mae P wedi cyrraedd 18 oed ac nid yw wedi dilysu cytundeb ar gyfer benthyciad myfyriwr a wnaed gyda P pan oedd P o dan 18 oed.

Eithriad 6

Mae Gweinidogion Cymru yn meddwl bod ymddygiad P o'r fath fel nad yw P yn addas i gael cymorth.

Eithriad 7

Mae P yn garcharor.

Ond caiff P fod yn fyfyriwr cymwys er ei fod yn garcharor—

- (a) os yw cais P am gymorth mewn cysylltiad â'r flwyddyn academiaidd y mae P yn mynd i'r carchar neu'n cael ei ryddhau o'r carchar ynddi,
- (b) os yw cwrs presennol P yn gwrs penben llawnamser, neu
- (c) os yw P wedi cael ei awdurdodi gan Lywodraethwr neu Gyfarwyddwr y carchar neu gan awdurdod priodol arall i astudio'r cwrs presennol a bod dyddiad rhyddhau cynharaf P o fewn 6 mlynedd i ddiwrnod cyntaf blwyddyn academiaidd gyntaf y cwrs.

(7) O.S. 2003/1994, a ddiwygiwyd gan O.S. 2004/1038, O.S. 2004/1792, O.S. 2005/2083, O.S. 2005/3137, O.S. 2005/3482, O.S. 2006/930, O.S. 2007/1629, O.S. 2008/1477, O.S. 2010/1142 (Cy. 101), O.S. 2010/1172, O.S. 2011/1043, O.S. 2014/107, O.S. 2016/211 a Deddf Addysg 2005 adran 74.

(8) O.S. 1990/1506 (G.I. 11), a ddiwygiwyd gan O.S. 1996/274 (G.I. 1), Erthygl 43 ac Atodlen 5 Rhan II, O.S. 1996/1918 (G.I. 15), Erthygl 3 a'r Atodlen ac O.S. 1998/258 (G.I. 1), Erthyglau 3 i 6 ac a ddirymwyd, gydag arbedion, gan Rh.St. (G.I.) 1998 Rhif 306.

(9) O.S.A. 2007/151 fel y'i diwygiwyd gan O.S.A. 2007/503, O.S.A. 2008/206, O.S.A. 2009/188, O.S.A. 2009/309, O.S.A. 2012/72, O.S.A. 2013/80 ac O.S.A. 2017/180.

Statws Golwg cyfnod mewn amser fel yr oedd ar 30/07/2018.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)

10.—(2) Yn Eithriad 3, mae “grant bwrsari at gostau byw” yn grant at gostau byw sy’n cael ei roi ar gael o dan Gynllun Bwrsariaeth GIG Cymru.

(3) Yn Eithriadau 4 a 5, ystyr “benthyciad myfyriwr” yw benthyciad a wneir o dan—

- (a) Deddf Addysg (Benthyciadau i Fyfyrrwyr) 1990(10);
- (b) Deddf Addysg (Yr Alban) 1980;
- (c) Gorchymyn Addysg (Benthyciadau i Fyfyrrwyr) (Gogledd Iwerddon) 1990(11);
- (d) Gorchymyn Addysg (Cymorth i Fyfyrrwyr) (Gogledd Iwerddon) 1998(12);
- (e) rheoliadau a wneir o dan unrhyw un neu ragor o’r Deddfau neu’r Gorchymynion hynny;
- (f) y Rheoliadau hyn neu unrhyw reoliadau eraill a wneir o dan Ddeddf 1998.

(4) Yn y Rheoliadau hyn—

ystyr “bwrsari gofal iechyd” (“*healthcare bursary*”) yw bwrsari neu ddyfarndal o ddisgrifiad tebyg o dan—

- (a) adran 63(6) o Ddeddf Gwasanaethau Iechyd ac Iechyd y Cyhoedd 1968(13), ond nid taliad a wneir o’r Gronfa Cymorth Dysgu;
- (b) Erthygl 44 o Orchymyn Gwasanaethau Iechyd a Chymdeithasol Personol (Gogledd Iwerddon) 1972(14);

ystyr “Cronfa Cymorth Dysgu” (“*Learning Support Fund*”) yw’r gronfa sy’n cael ei rhoi ar gael gan GIG Lloegr i fyfyrrwyr penodol mewn cysylltiad â chyrtsiau gofal iechyd cymhwysol;

ystyr “lwfans gofal iechyd yr Alban” (“*Scottish healthcare allowance*”) yw lwfans o dan adrannau 73(f) a 74(1) o Ddeddf Addysg (Yr Alban) 1980(15) a roddir mewn cysylltiad â phresenoldeb P ar gwrs sy’n arwain at gymhwyster mewn proffesiwn gofal iechyd ac eithrio fel meddyg neu ddeintydd.

Gwybodaeth Cychwyn

16 Rhl. 10 mewn grym ar 12.3.2018, gweler [rhl. 1\(2\)](#)

Myfyrrwyr cymwys sy’n parhau ar gwrs

11.—(1) Mae paragraff (2) yn gymwys i berson (“P”) —

- (a) os yw amgylchiadau P yn dod o fewn un o’r achosion ym mharagraff (3), a
- (b) os nad yw Eithriad 3 yn rheoliad 10 yn gymwys mewn cysylltiad â’r flwyddyn y mae P yn gwneud cais am gymorth ar ei chyfer.

(2) Pan fo’r paragraff hwn yn gymwys, mae P yn fyfyriwr cymwys ac yn unol â hynny—

- (a) nid oes angen i P ddod o fewn unrhyw un o’r categorïau o fyfyriwr a nodir yn Atodlen 2, a
- (b) nid yw unrhyw un o’r eithriadau a nodir yn rheoliad 10 (ac eithrio Eithriad 3) yn rhwystro P rhag bod yn fyfyriwr cymwys.

(10) 1990 p. 6; a ddiddymwyd gan Ddeddf Addysgu ac Addysg Uwch 1998 (p. 30), Atodlen 4, gydag arbedion gweler Gorchymyn Deddf Addysgu ac Addysg Uwch 1998 (Cychwyn Rhif 2 a Darpariaethau Trosiannol) 1998 (O.S. 1998/2004) (C. 46).

(11) O.S. 1990/1506 (G.I. 11) fel y’i diwygiwyd gan O.S. 1996/274 (G.I. 1), Erthygl 43 ac Atodlen 5 Rhan II, O.S. 1996/1918 (G.I. 15), Erthygl 3 a’r Atodlen ac O.S. 1998/258 (G.I. 1), Erthyglau 3 i 6 ac a ddirymwyd, gydag arbedion, gan Rh.St. (G.I.) 1998 Rhif 306.

(12) O.S. 1998/1760 (G.I. 14).

(13) 1968 p. 46.

(14) O.S. 1972/1265 (G.I. 14).

(15) 1980 p. 44; diwygiwyd adran 73(f) gan Ddeddf Addysgu ac Addysg Uwch 1998 (p. 30), adran 29(1) a chan Ddeddf Addysg (Gwaddol Graddedigion a Chymorth i Fyfyrrwyr) (Yr Alban) 2001 (dsa 6), adran 3(2) a diwygiwyd adran 74 gan Ddeddf Ysgolion Hunanlywodraethol etc. (Yr Alban) 1989 (p. 39), adran 82 ac Atodlen 10, paragraff 8(17).

(3) Yr achosion yw—

Achos 1

- (a) roedd P yn fyfyrwr cymwys mewn cysylltiad â blwyddyn academiaidd gynharach o gwrs presennol P, ac
- (b) roedd P yn preswyllo fel arfer yng Nghymru ar ddiwrnod cyntaf blwyddyn academiaidd gyntaf y cwrs hwnnw.

Achos 2

- (a) mae cwrs presennol P yn gwrs penben,
- (b) roedd P yn fyfyrwr cymwys mewn cysylltiad â'r cwrs (y "cwrw cynharach") y mae cwrs presennol P yn gwrs penben mewn perthynas ag ef,
- (c) dim ond oherwydd bod P wedi cwblhau'r cwrs cynharach hwnnw y daeth cyfnod cymhwysra P ar gyfer y cwrs i ben, a
- (d) roedd P yn preswyllo fel arfer yng Nghymru ar ddiwrnod cyntaf blwyddyn academiaidd gyntaf y cwrs cynharach.

Achos 3

- (a) roedd P yn fyfyrwr cymwys mewn cysylltiad â chwrs dynodedig (y "cwrw cynharach") ac eithrio'r cwrs presennol,
- (b) mae statws P fel myfyriwr cymwys mewn cysylltiad â'r cwrs cynharach wedi cael ei drosglwyddo i'r cwrs presennol (gweler adran 5), ac
- (c) roedd P yn preswyllo fel arfer yng Nghymru ar ddiwrnod cyntaf blwyddyn academiaidd gyntaf y cwrs cynharach.

Gwybodaeth Cychwyn

I7 Rhl. 11 mewn grym ar 12.3.2018, gweler **rh. 1(2)**

ADRAN 2

Cyfnod cymhwysra

Cyfnod cymhwysra – y rheol gyffredinol

12.—(1) Cedwir statws myfyriwr fel myfyriwr cymwys mewn cysylltiad â chwrs dynodedig tan ddiwedd cyfnod cymhwysra'r myfyriwr oni bai bod ei statws wedi ei derfynu yn unol â rheoliad 19, 20, 22 neu 23.

(2) Daw cyfnod cymhwysra myfyriwr i ben ar ddiwedd y flwyddyn academiaidd y mae'r myfyriwr yn cwblhau'r cwrs dynodedig ynddi.

(3) Ond—

- (a) os yw'r cwrs dynodedig yn gwrs llawnamser neu'n gwrs rhyngosod, a
- (b) os yw rheoliad 14, 15 neu 16 yn gymwys i'r myfyriwr,

mae cyfnod cymhwysra'r myfyriwr ar gyfer y cwrs wedi ei gyfyngu i'r cyfnod cymhwysra hwyaf a bennir yn y rheoliad cymwys ar gyfer y categori o gymorth a bennir yn y rheoliad hwnnw.

(4) Pan fo cymhwysra myfyriwr i gael cymorth wedi ei gyfyngu o dan reoliad 14, 15 neu 16 fel bod nifer y blynyddoedd academiaidd y mae'r categori o gymorth a bennir yn y rheoliad o dan sylw

Statws Golwg cyfnod mewn amser fel yr oedd ar 30/07/2018.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tim yn ymddangos yn y cynnwys a chyfeirir atynt gydag anodiadau. (See end of Document for details)

ar gael mewn cysylltiad â hwy yn llai na chyfnod arferol y cwrs presennol, mae'r categori o gymorth sydd wedi ei bennu felly ar gael mewn cysylltiad â blynyddoedd academaidd diweddaraf y cwrs.

Gwybodaeth Cychwyn

I8 Rhl. 12 mewn grym ar 12.3.2018, gweler [rhl. 1\(2\)](#)

Cyrsiau rhan-amser – dim cymhwystra am flynyddoedd o astudio dwysedd isel

13. Pan fo myfyriwr cymwys yn ymgymryd â chwrs rhan-amser, nid yw'r myfyriwr yn gymwys i gael cymorth o dan y Rheoliadau hyn mewn cysylltiad â blwyddyn academaidd pan fo'r dwysedd astudio ar gyfer y flwyddyn honno yn llai na 25% (gweler paragraff 5 o Atodlen 1 am sut i gyfrifo'r dwysedd astudio ar gyfer blwyddyn academaidd).

Gwybodaeth Cychwyn

I9 Rhl. 13 mewn grym ar 12.3.2018, gweler [rhl. 1\(2\)](#)

Y cyfnod cymhwystra hwyaf – benthyciadau at ffioedd dysgu a grantiau ar gyfer myfyrrwyr newydd

14.—(1) Mae'r rheoliad hwn yn gymwys i fyfyriwr cymwys—

- (a) sy'n ymgymryd â chwrs llawnamser neu gwrs rhyngosod, a
- (b) nad yw wedi ymgymryd â chwrs blaenorol.

(2) Pan fo'r rheoliad hwn yn gymwys, y cyfnod cymhwystra hwyaf ar gyfer benthyciad at ffioedd dysgu, grant sylfaenol, grant cynhaliaeth [^{F1}neu] grant at deithio [^{F2}... yw'r cyfnod sydd wedi ei gyfrifo fel a ganlyn—

Cyfnod arferol y cwrs presennol.

Plws

Nifer y blynyddoedd academaidd y mae'r myfyriwr cymwys wedi eu hailadrodd am resymau personol anorchfygol.

Plws

Un flwyddyn.

Diwygiadau Testunol

F1 Gair yn [rhl. 14\(2\)](#) wedi ei amnewid (30.7.2018) gan [Rheoliadau Addysg \(Cyllid Myfyrrwyr\) \(Diwygiadau Amrywiol\) \(Cymru\) 2018 \(O.S. 2018/814\)](#), rhlau. 1(2), **3(a)**

F2 Geiriau yn [rhl. 14\(2\)](#) wedi eu hepgor (30.7.2018) yn rhinwedd [Rheoliadau Addysg \(Cyllid Myfyrrwyr\) \(Diwygiadau Amrywiol\) \(Cymru\) 2018 \(O.S. 2018/814\)](#), rhlau. 1(2), **3(b)**

Gwybodaeth Cychwyn

I10 Rhl. 14 mewn grym ar 12.3.2018, gweler [rhl. 1\(2\)](#)

Y cyfnod cymhwystra hwyaf – benthyciadau at ffioedd dysgu a grantiau penodedig i fyfyrrwyr sydd wedi ymgymryd â chwrs blaenorol

15.—(1) Mae'r rheoliad hwn yn gymwys i fyfyriwr cymwys—

- (a) sy'n ymgymryd â chwrs llawnamser neu gwrs rhyngosod, a
- (b) sydd wedi ymgymryd â chwrs blaenorol.

(2) Pan fo'r rheoliad hwn yn gymwys, y cyfnod cymhwystra hwyaf ar gyfer benthyciad at ffioedd dysgu, grant sylfaenol, grant cynhaliaeth neu grant at deithio yw'r cyfnod sydd wedi ei gyfrifo fel a ganlyn—

Cyfnod arferol y cwrs presennol.

Plws

Nifer y blynyddoedd academiaidd y mae'r myfyriwr cymwys wedi eu hailadrodd am resymau personol anorchfygol.

Plws

Un flwyddyn.

Llai

Nifer y blynyddoedd academiaidd yr ymgymrodd y myfyriwr cymwys â hwy ar y cwrs neu'r cyrsiau blaenorol (os yw'r myfyriwr wedi ymgymryd â mwy nag un cwrs blaenorol).

Ond nid yw didyniad i'w wneud os yw'r myfyriwr ar gwrs hyfforddi athrawon neu os yw'n ymgymryd â chwrs mynediad graddedig carlam.

(3) Os na chwblhaodd y myfyriwr cymwys y cwrs blaenorol diweddaraf yn llwyddiannus am resymau personol anorchfygol—

- (a) mae un flwyddyn ychwanegol i'w hadio at y cyfrifiad a wneir o dan baragraff (2), a
- (b) caniateir i flwyddyn ychwanegol arall gael ei hadio os yw Gweinidogion Cymru yn meddwl ei bod yn briodol gwneud hynny gan roi sylw i'r rhesymau hynny.

(4) Os yw Gweinidogion Cymru yn penderfynu bod rheoliad 18 yn gymwys i fyfyriwr, cânt adio un neu ragor o flynyddoedd ychwanegol at y cyfrifiad a wneir o dan baragraff (2) fel y maent yn meddwl ei bod yn briodol.

(5) Pan fo'r rheoliad hwn a rheoliad 16 yn gymwys i fyfyriwr cymwys, mae cyfnod cymhwystra hwyaf y myfyriwr i gael—

- (a) benthyciad at ffioedd dysgu,
- (b) grant sylfaenol,
- (c) grant cynhaliaeth, neu
- (d) grant at deithio

i'w gyfrifo yn unol â rheoliad 16.

(6) Ym mharagraff (2), ystyr "myfyriwr ar gwrs hyfforddi athrawon" yw myfyriwr nad yw'n athro cymwysedig neu athrawes gymwysedig sy'n ymgymryd â chwrs llawnamser ar gyfer hyfforddiant cychwynnol athrawon nad yw'n para'n hwy na 2 flynedd.

Gwybodaeth Cychwyn

111 Rhl. 15 mewn grym ar 12.3.2018, gweler **rh. 1(2)**

Y cyfnod cymhwystra hwyaf – benthyciadau at ffioedd dysgu a grantiau i fyfyrwyr penodol sy'n parhau â'u hastudiaethau

16.—(1) Mae'r rheoliad hwn yn gymwys i'r canlynol—

Statws Golwg cyfnod mewn amser fel yr oedd ar 30/07/2018.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyrywyr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)

- (a) myfyriwr cymwys y mae ei gwrs presennol yn gwrs penben llawnamser (cyfeirir at y cwrs y mae'r cwrs presennol yn gwrs penben mewn perthynas ag ef ym mharagraff (2) fel y “cwrs rhagarweiniol”);
- (b) myfyriwr cymwys—
- [^{F3}(i) sydd wedi cwblhau cwrs perthnasol (y “cwrs rhagarweiniol”),]
- (ii) y mae ei gwrs presennol yn gwrs gradd gyntaf llawnamser (ac eithrio cwrs gradd gyntaf ar gyfer hyfforddiant cychwynnol athrawon) na ddechreuodd y myfyriwr arno yn union ar ôl y cwrs rhagarweiniol; a
- (iii) nad yw wedi ymgymryd â chwrs gradd gyntaf llawnamser ar ôl y cwrs rhagarweiniol a chyn y cwrs presennol;
- (c) myfyriwr cymwys—
- (i) sydd wedi cwblhau cwrs gradd sylfaen llawnamser [^{F4}neu gwrs gradd arferol] (y “cwrs rhagarweiniol”),
- (ii) y mae ei gwrs presennol yn gwrs gradd anrhydedd llawnamser na ddechreuodd y myfyriwr arno yn union ar ôl y cwrs rhagarweiniol, a
- (iii) nad yw wedi ymgymryd â chwrs gradd gyntaf llawnamser ar ôl y cwrs rhagarweiniol a chyn y cwrs presennol.
- (2) Pan fo'r rheoliad hwn yn gymwys, y cyfnod cymhwysra hwyaf ar gyfer benthyciad at ffioedd dysgu, grant sylfaenol, grant cynhaliaeth [^{F5}neu] grant at deithio ^{F6}... yw'r cyfnod sydd wedi ei gyfrifo fel a ganlyn—

Tair blynedd neu gyfnod arferol y cwrs presennol, pa un bynnag yw'r hwyaf.

Plws

Un flwyddyn neu'r cyfnod arferol llai un flwyddyn o'r cwrs rhagarweiniol (neu gyfanswm y cyrsiau rhagarweiniol os cwblhaodd y myfyriwr fwy nag un cwrs sydd i'w drin yn gwrs rhagarweiniol), pa un bynnag yw'r hwyaf.

Llai

Nifer y blynyddoedd academaidd yr ymgymrodd y myfyriwr cymwys â hwy ar y cwrs rhagarweiniol (neu'r cyrsiau rhagarweiniol) ac eithrio blynyddoedd sydd wedi eu hailadrodd gan y myfyriwr cymwys am resymau personol anorchfygol.

- (3) Os yw Gweinidogion Cymru yn penderfynu bod rheoliad 18 yn gymwys i fyfyriwr, cânt adio un neu ragor o flynyddoedd ychwanegol at y cyfrifiad a wneir o dan baragraff (2) fel y maent yn meddwl ei bod yn briodol.

[^{F7}(4) Ym mharagraff (1)(b)(i), ystyr “cwrs perthnasol” yw cwrs llawnamser ar gyfer—

- (a) y Diploma Addysg Uwch,
- (b) y Dystysgrif Addysg Uwch, neu
- (c) Diploma Cenedlaethol Uwch neu Dystysgrif Genedlaethol Uwch naill ai'r Cyngor Addysg Busnes a Thechnoleg neu Awdurdod Cymwysterau'r Alban.]

Diwygiadau Testunol

- F3** Rhl. 16(1)(b)(i) wedi ei amnewid (30.7.2018) gan Rheoliadau Addysg (Cyllid Myfyrywyr) (Diwygiadau Amrywiol) (Cymru) 2018 (O.S. 2018/814), rhlau. 1(2), **4(a)**
- F4** Geiriau yn rhl. 16(1)(c)(i) wedi eu mewnosod (30.7.2018) gan Rheoliadau Addysg (Cyllid Myfyrywyr) (Diwygiadau Amrywiol) (Cymru) 2018 (O.S. 2018/814), rhlau. 1(2), **4(b)**
- F5** Gair yn rhl. 16(2) wedi ei amnewid (30.7.2018) gan Rheoliadau Addysg (Cyllid Myfyrywyr) (Diwygiadau Amrywiol) (Cymru) 2018 (O.S. 2018/814), rhlau. 1(2), **4(c)(i)**

- F6** Geiriau yn rhl. 16(2) wedi eu hepgor (30.7.2018) yn rhinwedd Rheoliadau Addysg (Cyllid Myfyrrwyr) (Diwygiadau Amrywiol) (Cymru) 2018 (O.S. 2018/814), rhlau. 1(2), **4(c)(ii)**
- F7** Rhl. 16(4) wedi ei fewnosod (30.7.2018) gan Rheoliadau Addysg (Cyllid Myfyrrwyr) (Diwygiadau Amrywiol) (Cymru) 2018 (O.S. 2018/814), rhlau. 1(2), **4(d)**

Gwybodaeth Cychwyn

- I12** Rhl. 16 mewn grym ar 12.3.2018, gweler **rhl. 1(2)**

Y cyfnod cymhwysra hwyaf – dehongli

17.—(1) At ddibenion rheoliadau 12 a 14 i 16, ystyr “cyfnod arferol” cwrs yw nifer y blynyddoedd academiaidd sy’n ofynnol fel arfer i’w gwblhau.

(2) At ddibenion cyfrifo—

- (a) cyfnod cymhwysra hwyaf myfyriwr o dan reoliad 14(2), 15(2) neu 16(2), neu
- (b) a yw cyfnod cymhwysra myfyriwr wedi dod i ben,

mae unrhyw flwyddyn rannol yr ymgymerodd y myfyriwr â hi i’w chyfrif fel blwyddyn academiaidd gyfan.

(3) Yn rheoliadau 14 a 15, ystyr “cwrs blaenorol” yw cwrs—

- (a) sy’n—
 - (i) cwrs addysg uwch llawnamser, neu
 - (ii) cwrs rhan-amser ar gyfer hyfforddiant cychwynnol athrawon, y dechreuodd y myfyriwr ymgymryd ag ef cyn y cwrs presennol,
- (b) sy’n bodloni un o’r amodau a nodir ym mharagraff (4), ac
- (c) nad yw wedi ei eithrio rhag bod yn gwrs blaenorol yn rhinwedd paragraff (5), (6) neu (7).

(4) Yr amodau yw—

Amod 1

Mae’r cwrs yn cael ei ddarparu gan sefydliad yn y Deyrnas Unedig a oedd yn sefydliad addysgol cydnabyddedig am rai neu bob un o’r blynyddoedd academiaidd pan oedd y myfyriwr yn ymgymryd â’r cwrs.

Amod 2

Mae’r cwrs yn un—

- (a) y talwyd mewn perthynas ag ef ysgoloriaeth, arddangostal, bwrsari, grant, lwfans neu ddyfarndal o unrhyw ddisgrifiad mewn cysylltiad â’r myfyriwr yn ymgymryd â’r cwrs i dalu ffioedd, a
 - (b) y darparwyd y taliad mewn perthynas ag ef gan sefydliad a gyllidir yn gyhoeddus.
- (5) Nid yw cwrs sy’n dod o fewn paragraff (3)(a) a (b) er hynny yn gwrs blaenorol—
- (a) os yw’r cwrs presennol yn gwrs llawnamser ar gyfer hyfforddiant cychwynnol athrawon nad yw’n para’n hwy na dwy flynedd, a
 - (b) os nad yw’r myfyriwr yn athro cymwysedig neu athrawes gymwysedig.
- (6) Nid yw cwrs ar gyfer y Dystysgrif mewn Addysg sy’n dod o fewn paragraff (3)(a) a (b) er hynny yn gwrs blaenorol—
- (a) os yw’r cwrs presennol yn gwrs ar gyfer gradd (gan gynnwys gradd anrhydedd) Baglor mewn Addysg, a
 - (b) os—

Statws Golwg cyfnod mewn amser fel yr oedd ar 30/07/2018.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyriwyr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)

- (i) trosglwyddodd y myfyriwr i'r cwrs presennol o'r cwrs ar gyfer y Dystysgrif mewn Addysg cyn cwblhau'r cwrs hwnnw, neu
 - (ii) dechreuodd y myfyriwr ar y cwrs presennol ar ôl cwblhau'r cwrs ar gyfer y Dystysgrif mewn Addysg.
- (7) Nid yw cwrs ar gyfer gradd (ac eithrio gradd anrhydedd) Baglor mewn Addysg yn gwrw blaenorol—
- (a) os yw'r cwrs presennol yn gwrw ar gyfer gradd anrhydedd Baglor mewn Addysg, a
 - (b) os—
 - (i) trosglwyddodd y myfyriwr i'r cwrs presennol o'r cwrs ar gyfer gradd (ac eithrio gradd anrhydedd) Baglor mewn Addysg cyn cwblhau'r cwrs hwnnw, neu
 - (ii) dechreuodd y myfyriwr ar y cwrs presennol ar ôl cwblhau'r cwrs ar gyfer gradd (ac eithrio gradd anrhydedd) Baglor mewn Addysg.

Gwybodaeth Cychwyn

I13 Rhl. 17 mewn grym ar 12.3.2018, gweler [rhl. 1\(2\)](#)

Estyn y cyfnod hwyaf pan fo'r myfyriwr yn cael hysbysiad anghywir

- 18.**—(1) Mae'r rheoliad hwn yn gymwys i fyfyriwr cymwys ("P")—
- (a) y mae ei gyfnod cymhwysra hwyaf i'w gyfrifo yn unol â rheoliad 15 neu 16,
 - (b) sydd wedi darparu'r holl wybodaeth sy'n ofynnol gan Weinidogion Cymru mewn perthynas ag—
 - (i) cwrs blaenorol yr ymgymrodd P ag ef, a
 - (ii) unrhyw gymwysterau sydd gan P, ac
 - (c) sydd wedi cael hysbysiad gan Weinidogion Cymru sy'n datgan cyfnod cymhwysra hwyaf anghywir.
- (2) Ond nid yw'r rheoliad hwn yn gymwys os yw'r hysbysiad yn anghywir oherwydd bod yr wybodaeth a ddarparwyd gan P yn sylweddol anghywir.

Gwybodaeth Cychwyn

I14 Rhl. 18 mewn grym ar 12.3.2018, gweler [rhl. 1\(2\)](#)

ADRAN 3

Terfynu cymhwysra

Terfynu cymhwysra yn gynnar

- 19.**—(1) Mae cyfnod cymhwysra myfyriwr cymwys ("P") yn terfynu ar ddiwedd y diwrnod—
- (a) pan fydd P yn tynnu'n ôl o'i gwrw dynodedig ac nad yw Gweinidogion Cymru yn trosglwyddo statws P fel myfyriwr cymwys o dan reoliad 28, neu
 - (b) pan fydd P yn cefnu ar ei gwrw dynodedig neu'n cael ei ddiarddel ohono.
- (2) Pan—
- (a) bo cwrs dynodedig myfyriwr cymwys ("P") yn gwrw dysgu o bell, a

(b) bo P yn ymgymryd â'r cwrs y tu allan i'r Deyrnas Unedig, mae cyfnod cymhwysra P yn terfynu ar ddechrau'r diwrnod cyntaf pan fo P yn ymgymryd â'r cwrs y tu allan i'r Deyrnas Unedig.

(3) Ond nid yw paragraff (2) yn gymwys pan fo P yn ymgymryd â chwrs dysgu o bell y tu allan i'r Deyrnas Unedig oherwydd bod P neu berthynas agos i P yn gwasanaethu fel aelod o'r lluoedd arfog.

Gwybodaeth Cychwyn

I15 Rhl. 19 mewn grym ar 12.3.2018, gweler [rhl. 1\(2\)](#)

Camymddwyn a methu â darparu gwybodaeth gywir

20.—(1) Caiff Gweinidogion Cymru derfynu cyfnod cymhwysra myfyriwr cymwys os ydynt wedi eu bodloni bod ymddygiad y myfyriwr o'r fath fel nad yw'r myfyriwr yn addas mwyach i gael cymorth.

(2) Mae paragraff (3) yn gymwys os yw Gweinidogion Cymru wedi eu bodloni bod myfyriwr cymwys—

- (a) wedi methu â chydymffurfio â gofyniad i ddarparu gwybodaeth neu ddogfennaeth o dan y Rheoliadau hyn, neu
- (b) wedi darparu gwybodaeth neu ddogfennaeth a oedd yn sylweddol anghywir.

(3) Pan fo'r paragraff hwn yn gymwys, caiff Gweinidogion Cymru—

- (a) derfynu cyfnod cymhwysra'r myfyriwr;
- (b) penderfynu nad yw'r myfyriwr yn cymhwyso i gael categori penodol o gymorth neu swm y cymorth hwnnw.

Gwybodaeth Cychwyn

I16 Rhl. 20 mewn grym ar 12.3.2018, gweler [rhl. 1\(2\)](#)

Adfer cymhwysra ar ôl iddo derfynu

21.—(1) Pan fo cyfnod cymhwysra myfyriwr yn derfynu o dan reoliad 19 neu 20 yn ystod y flwyddyn academiaidd y mae'r myfyriwr yn cwblhau'r cwrs presennol ynddi, caiff Gweinidogion Cymru adfer cyfnod cymhwysra'r myfyriwr am unrhyw gyfnod y maent yn meddwl ei fod yn briodol.

(2) Ond ni chaniateir i gyfnod cymhwysra sydd wedi ei adfer estyn y tu hwnt i ddiwedd y cyfnod cymhwysra hwyaf a gyfrifir yn unol ag Adran 2 o'r Bennod hon.

Gwybodaeth Cychwyn

I17 Rhl. 21 mewn grym ar 12.3.2018, gweler [rhl. 1\(2\)](#)

Ffoaduriaid y mae eu caniatâd i aros wedi dod i ben

22.—(1) Mae'r rheoliad hwn yn gymwys—

- (a) pan oedd person ("P") yn fyfyriwr cymwys Categori 2 (gweler Atodlen 2) mewn cysylltiad â chais am gymorth—

Statws Golwg cyfnod mewn amser fel yr oedd ar 30/07/2018.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyryr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)

- (i) ar gyfer blwyddyn gynharach o'r cwrs presennol,
 - (ii) ar gyfer cwrs llawnamser y mae'r cwrs presennol yn gwrs penben llawnamser mewn perthynas ag ef, neu
 - (iii) ar gyfer cwrs y mae statws P fel myfyriwr cymwys wedi cael ei drosglwyddo ohono i'r cwrs presennol o dan reoliad 28 neu baragraff 7 o Atodlen 5, a
- (b) pan, ar ddiwedd y diwrnod cyn diwrnod cyntaf y flwyddyn academiaidd y mae P yn gwneud cais am gymorth mewn cysylltiad â hi, fo statws ffoadur—
- (i) P, neu
 - (ii) y person yr oedd ei statws fel ffoadur yn golygu bod P yn fyfyriwr cymwys Categori 2,
- wedi dod i ben ac nad yw caniatâd pellach i aros wedi cael ei roi ac nad oes apêl yn yr arfaeth (o fewn ystyr adran 104 o Ddeddf Cenedligrwydd, Mewnfudo a Lloches 2002)(16).
- (2) Pan fo'r rheoliad hwn yn gymwys, mae statws P fel myfyriwr cymwys yn terfynu yn union cyn diwrnod cyntaf y flwyddyn academiaidd y mae P yn gwneud cais am gymorth mewn cysylltiad â hi.
- (3) Yn y rheoliad hwn, mae i "ffoadur" yr ystyr a roddir gan baragraff 11 o Atodlen 2.

Gwybodaeth Cychwyn

I18 Rhl. 22 mewn grym ar 12.3.2018, gweler [rhl. 1\(2\)](#)

[^{F8}Personau y mae eu caniatâd i aros fel personau diwladwriaeth wedi dod i ben

- 22A.**—(1) Mae'r rheoliad hwn yn gymwys—
- (a) pan oedd person ("P") yn fyfyriwr cymwys Categori 2A (gweler Atodlen 2) mewn cysylltiad â chais am gymorth—
 - (i) ar gyfer blwyddyn gynharach o'r cwrs presennol,
 - (ii) ar gyfer cwrs llawnamser y mae'r cwrs presennol yn gwrs penben llawnamser mewn perthynas ag ef, neu
 - (iii) ar gyfer cwrs y mae statws P fel myfyriwr cymwys wedi cael ei drosglwyddo ohono i'r cwrs presennol o dan reoliad 28 neu baragraff 7 o Atodlen 5, a
 - (b) pan, ar ddiwedd y diwrnod cyn diwrnod cyntaf y flwyddyn academiaidd y mae P yn gwneud cais am gymorth mewn cysylltiad â hi, fo'r cyfnod y caiff—
 - (i) P, neu
 - (ii) y person, oherwydd ei fod yn berson y rhoddwyd caniatâd iddo aros fel person diwladwriaeth, a oedd yn peri i P fod yn fyfyriwr cymwys Categori 2A,
 aros yn y Deyrnas Unedig wedi dod i ben ac nad yw caniatâd pellach i aros wedi cael ei roi ac nad oes cais am adolygiad gweinyddol yn unol â'r rheolau mewnfudo yn yr arfaeth.
- (2) Pan fo'r rheoliad hwn yn gymwys, mae statws P fel myfyriwr cymwys yn terfynu yn union cyn diwrnod cyntaf y flwyddyn academiaidd y mae P yn gwneud cais am gymorth mewn cysylltiad â hi.]

(16) 2002 p. 41. Diwygiwyd adran 104 gan Ddeddf Lloches a Mewnfudo (Trin Ceiswyr etc.) 2004 (p. 19), Atodlenni 2 a 4, Deddf Mewnfudo, Lloches a Chenedligrwydd 2006 (p. 13), adran 9, O.S. 2010/21, Deddf Mewnfudo 2014 (p. 22), Atodlen 9.

Diwygiadau Testunol

F8 Rhl. 22A wedi ei fewnosod (30.7.2018) gan Rheoliadau Addysg (Cyllid Myfyrrwyr) (Diwygiadau Amrywiol) (Cymru) 2018 (O.S. 2018/814), rhlau. 1(2), 5

Personau eraill y mae eu caniatâd i ddod i mewn neu i aros wedi dod i ben

23.—(1) Mae'r rheoliad hwn yn gymwys—

(a) pan oedd person ("P") yn fyfyrwr cymwys Categori 3 (gweler Atodlen 2) mewn cysylltiad â chais am gymorth—

(i) ar gyfer blwyddyn gynharach o'r cwrs presennol,

(ii) ar gyfer cwrs llawnamser y mae'r cwrs presennol yn gwrs penben llawnamser mewn perthynas ag ef, neu

(iii) ar gyfer cwrs y mae statws P fel myfyriwr cymwys wedi cael ei drosglwyddo ohono i'r cwrs presennol o dan reoliad 28 neu baragraff 7 o Atodlen 5, a

(b) pan, ar ddiwedd y diwrnod cyn diwrnod cyntaf y flwyddyn academiaidd y mae P yn gwneud cais am gymorth mewn cysylltiad â hi, fo'r cyfnod y caiff—

(i) P, neu

(ii) y person, oherwydd bod ganddo ganiatâd i ddod i mewn neu i aros, a oedd yn peri i P fod yn fyfyrwr cymwys Categori 3,

aros yn y Deyrnas Unedig wedi dod i ben ac nad yw caniatâd pellach i aros wedi cael ei roi ac nad oes apêl yn yr arfaeth (o fewn ystyr adran 104 o Ddeddf Cenedligrwydd, Mewnfudo a Lloches 2002).

(2) Pan fo'r rheoliad hwn yn gymwys, mae statws P fel myfyriwr cymwys yn terfynu yn union cyn diwrnod cyntaf y flwyddyn academiaidd y mae P yn gwneud cais am gymorth mewn cysylltiad â hi.

Gwybodaeth Cychwyn

I19 Rhl. 23 mewn grym ar 12.3.2018, gweler **rhl. 1(2)**

ADRAN 4

Astudio blaenorol

Myfyrrwyr llawnamser – cyfyngiadau ar gymorth i raddedigion â gradd anrhydedd

24.—(1) Os yw myfyriwr cymwys sy'n ymgymryd â chwrs llawnamser wedi cael gradd anrhydedd o sefydliad yn y Deyrnas Unedig ("person â gradd anrhydedd"), nid yw'r myfyriwr yn cymhwyso i gael benthyciad at ffioedd dysgu, grant sylfaenol, grant cynhaliaeth neu fenthyciad cynhaliaeth o dan y Rheoliadau hyn oni bai bod y myfyriwr—

(a) yn dod o fewn un o'r Achosion a nodir ym mharagraff (2), a

(b) ym mhob Achos, yn bodloni'r amodau cymhwyso penodol sy'n ymwneud â'r cymorth o dan sylw.

(2) Yr Achosion yw—

Achos 1

Statws Golwg cyfnod mewn amser fel yr oedd ar 30/07/2018.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfirwyr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)

Caiff person â gradd anrhydedd gymhwyso i gael cymorth o dan y Rheoliadau hyn os yw'r cwrs presennol yn—

- (a) cwrs ar gyfer hyfforddiant cychwynnol athrawon nad yw'n para'n hwy na dwy flynedd, ac nid yw'r person graddedig yn athro cymwysedig neu athrawes gymwysedig, neu'n
- (b) cwrs mynediad graddedig carlam.

Achos 2

Caiff person â gradd anrhydedd gymhwyso i gael benthyciad cynhaliath os yw unrhyw un neu ragor o'r canlynol yn gymwys—

- (a) mae'r cwrs presennol yn arwain at gymhwyster fel gweithiwr cymdeithasol, meddyg, deintydd, milfeddyg neu bensaer;
- (b) mae'r person graddedig i gael unrhyw daliad o dan—
 - (i) bwrsari gofal iechyd y mae ei swm yn cael ei gyfrifo drwy gyfeirio at incwm y person graddedig, neu
 - (ii) lwfans gofal iechyd yr Alban y mae ei swm yn cael ei gyfrifo drwy gyfeirio at incwm y person graddedig mewn cysylltiad ag unrhyw flwyddyn academiaidd o'r cwrs presennol;
- (c) mae'r cwrs presennol yn gwrs ar gyfer hyfforddiant cychwynnol athrawon.

Achos 3

Er gwaethaf paragraff (1)—

- (a) os ystyrir bod y cwrs presennol yn gwrs sengl yn rhinwedd rheoliad 6(3) a (4), a
- (b) os yw'r cwrs yn arwain at roi gradd anrhydedd o sefydliad yn y Deyrnas Unedig i'r myfyriwr cymwys cyn y radd derfynol neu'r cymhwyster cyfatebol,

nid yw rhoi'r radd anrhydedd honno yn rhwystro'r myfyriwr rhag cymhwyso i gael cymorth o dan y Rheoliadau hyn mewn cysylltiad ag unrhyw ran o'r cwrs sengl hwnnw.

Achos 4

Mae rheoliad 26 yn gymwys.

Gwybodaeth Cychwyn

I20 Rhl. 24 mewn grym ar 12.3.2018, gweler [rhll. 1\(2\)](#)

Myfirwyr rhan-amser – cyfyngiadau ar gymorth i raddedigion

25.—(1) Os yw myfyriwr cymwys sy'n ymgymryd â chwrs rhan-amser wedi cael gradd gyntaf o sefydliad yn y Deyrnas Unedig ("person graddedig"), nid yw'r myfyriwr yn cymhwyso i gael cymorth o dan y Rheoliadau hyn ac eithrio grant myfyriwr anabl oni bai bod y myfyriwr yn dod o fewn un o'r Achosion a nodir ym mharagraff (2).

(2) Yr Achosion yw—

Achos 1

O ran y radd gyntaf—

- (a) nid gradd anrhydedd ydoedd; a
- (b) fe'i dyfarnwyd i'r person graddedig ar ôl iddo gwblhau'r modiwlau, yr arholiadau neu'r mathau eraill o asesiad a oedd yn ofynnol ar gyfer y radd gyntaf honno,

ac mae'r person graddedig yn ymgymryd â'r cwrs presennol er mwyn cael gradd anrhydedd ar ôl cwblhau'r modiwlau, yr arholiadau neu'r mathau eraill o asesiad sy'n ofynnol (pa un a yw'r person graddedig yn parhau i wneud y cwrs yn yr un sefydliad a ddyfarnodd y radd gyntaf iddo ai peidio).

Achos 2

Mae'r cwrs presennol yn gwrs ar gyfer hyfforddiant cychwynnol athrawon nad yw'n para'n hwy na phedair blynedd ac nid yw'r person graddedig yn athro cymwysedig neu athrawes gymwysedig.

Achos 3

Mae'r cwrs presennol yn arwain at radd anrhydedd a naill ai'n—

- (a) cwrs sy'n ymwneud ag astudio hanes a gramadeg y Gymraeg a'r defnydd ohoni; neu'n
- (b) cwrs sydd wedi ei restru yn y System Cyd-godio Pynciau Academaidd yn un o'r meysydd pwnc a ganlyn—
 - (i) peirianeg;
 - (ii) technoleg;
 - (iii) cyfrifiadureg;
 - (iv) pynciau perthynol i feddygaeth;
 - (v) y gwyddorau biolegol;
 - (vi) milfeddygaeth, amaethyddiaeth a phynciau cysylltiedig;
 - (vii) y gwyddorau ffisegol;
 - (viii) y gwyddorau mathemategol.

Achos 4

Mae rheoliad 26 yn gymwys.

(3) Yn Achos 3, ystyr “y System Cyd-godio Pynciau Academaidd” yw fersiwn 3 o'r System Cyd-godio Pynciau Academaidd a gynhelir gan Wasanaeth Derbyn y Prifysgolion a'r Colegau a'r Asiantaeth Ystadegau Addysg Uwch(17).

Gwybodaeth Cychwyn

I21 Rhl. 25 mewn grym ar 12.3.2018, gweler **rh. 1(2)**

Codi'r cyfyngiadau pan geir hysbysiad anghywir

26.—(1) Mae'r rheoliad hwn yn gymwys—

- (a) pan fo person â gradd anrhydedd o fewn ystyr rheoliad 24 neu berson graddedig o fewn ystyr rheoliad 25 (“G”) wedi darparu'r holl wybodaeth sy'n ofynnol gan Weinidogion Cymru mewn perthynas â gradd anrhydedd neu, yn ôl y digwydd, radd gyntaf, a ddyfarnwyd i'r person o'r blaen, a
- (b) pan fo G yn cael hysbysiad gan Weinidogion Cymru sy'n datgan yn anghywir fod G yn cymhwyso i gael cymorth o dan y Rheoliadau hyn.

(2) Pan fo'r rheoliad hwn yn gymwys, caiff G gymhwyso i gael y cymorth a bennir yn yr hysbysiad am y cyfnod hwnnw y mae Gweinidogion Cymru yn meddwl ei fod yn briodol.

Statws Golwg cyfnod mewn amser fel yr oedd ar 30/07/2018.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)

(3) Ond nid yw'r rheoliad hwn yn gymwys os yw'r hysbysiad yn anghywir oherwydd bod yr wybodaeth a ddarparwyd gan G yn sylweddol anghywir.

Gwybodaeth Cychwyn

I22 Rhl. 26 mewn grym ar 12.3.2018, gweler [rhl. 1\(2\)](#)

Cyfyngiad pellach ar gymorth i fyfyrwyr rhan-amser

27.—(1) Nid yw myfyriwr cymwys sy'n ymgymryd â chwrs rhan-amser yn cymhwyso i gael cymorth o dan y Rheoliadau hyn ac eithrio grant myfyriwr anabl os yw'r myfyriwr—

- (a) wedi ymgymryd ag un neu ragor o gyrсияu rhan-amser am gyfnod cyfanredol o—
 - (i) 8 mlynedd academiaidd o leiaf (pan ddechreuodd y cwrs hwnnw neu'r cwrs cynharaf o'r gyrсияu hynny cyn 1 Medi 2014), neu
 - (ii) 16 o flynyddoedd academiaidd o leiaf (pan ddechreuodd y cwrs hwnnw neu'r cwrs cynharaf o'r gyrсияu hynny ar neu ar ôl 1 Medi 2014), a
- (b) wedi cael cymorth perthnasol mewn cysylltiad ag o leiaf 8 neu, yn ôl y digwydd, 16 o'r blynyddoedd academiaidd hynny o'r cwrs rhan-amser neu'r gyrсияu rhan-amser.

(2) Ym mharagraff (1)(b), ystyr “cymorth perthnasol” yw—

- (a) benthyciad, grant mewn cysylltiad â ffioedd neu grant at lyfrau, teithio a gwariant arall a wneir mewn cysylltiad â blwyddyn academiaidd—
 - (i) o dan y Rheoliadau hyn neu unrhyw reoliadau eraill a wneir o dan adran 22 o Ddeddf 1998, neu
 - (ii) o dan reoliadau a wneir o dan Erthyglau 3 ac 8(4) o Orchymyn Addysg (Cymorth i Fyfyrrwyr) (Gogledd Iwerddon) 1998(18);
- (b) benthyciad a wneir mewn cysylltiad â blwyddyn academiaidd o dan reoliadau a wneir o dan adrannau 73(f), 73B a 74(1) o Ddeddf Addysg (Yr Alban) 1980(19).

Gwybodaeth Cychwyn

I23 Rhl. 27 mewn grym ar 12.3.2018, gweler [rhl. 1\(2\)](#)

ADRAN 5

Trosglwyddo a throsi

Trosglwyddo statws

28.—(1) Pan fo myfyriwr cymwys yn trosglwyddo o gwrs dynodedig (yn yr Adran hon, yr “hen gwrs”) i gwrs dynodedig arall (yn yr Adran hon, y “cwrс newydd”), rhaid i Weinidogion Cymru drosglwyddo statws y myfyriwr fel myfyriwr cymwys i'r cwrс newydd—

- (a) os ydynt yn cael cais oddi wrth y myfyriwr i wneud hynny,

(18) O.S. 1998/1760 (G.I. 14), y mae diwygiadau iddo nad ydynt yn berthnasol i'r Rheoliadau hyn.

(19) 1980 p. 44; mewnosodwyd adran 73B gan adran 29(2) o Ddeddf Addysgu ac Addysg Uwch 1998 (p. 30) ac fe'i diwygiwyd gan Ddeddf Addysg (Gwaddol Graddedigion a Chymorth i Fyfyrrwyr) (Yr Alban) 2001 (dsa 6), Atodlen 6 i Ddeddf Treth Incwm (Enillion a Phensiynau) 2003 (p. 1), adran 34(1) o Ddeddf Methdaliad a Diwydrwydd etc. (Yr Alban) 2007 (dsa 3) ac Atodlen 8 i Ddeddf Methdaliad (Yr Alban) 2016 (dsa 21).

(b) os ydynt wedi eu bodloni bod un o'r seiliau trosglwyddo yn gymwys (gweler paragraff (2)), ac

(c) os nad yw cyfnod cymhwysra'r myfyriwr wedi dod i ben nac wedi cael ei derfynu.

(2) Y seiliau trosglwyddo yw—

Y sail gyntaf

Mae'r myfyriwr cymwys yn peidio ag ymgymryd â'r hen gwrs ac yn ymgymryd â'r cwrs newydd yn yr un sefydliad.

Gan gynnwys—

(a) pan na fo'r hen gwrs yn gwrs gradd cywasgedig, os yw'r myfyriwr yn ymgymryd â'r un cwrs fel cwrs gradd cywasgedig, neu

(b) pan fo'r hen gwrs yn gwrs gradd cywasgedig, os yw'r myfyriwr yn ymgymryd â'r un cwrs ar y sail nad yw'n gywasgedig.

Yr ail sail

Mae'r myfyriwr cymwys yn ymgymryd â'r cwrs newydd mewn sefydliad arall.

Y drydedd sail

Ar ôl iddo ddechrau cwrs ar gyfer y Dystysgrif mewn Addysg, mae'r myfyriwr cymwys, wrth gwblhau'r cwrs hwnnw neu cyn hynny, yn cael ei dderbyn ar gwrs dynodedig ar gyfer gradd (gan gynnwys gradd anrhydedd) Baglor mewn Addysg.

Y bedwaredd sail

Ar ôl iddo ddechrau cwrs ar gyfer gradd (ac eithrio gradd anrhydedd) Baglor mewn Addysg, mae'r myfyriwr cymwys, wrth gwblhau'r cwrs hwnnw neu cyn hynny, yn cael ei dderbyn ar gwrs dynodedig ar gyfer gradd anrhydedd Baglor mewn Addysg.

Y bumed sail

Ar ôl iddo ddechrau cwrs ar gyfer gradd gyntaf (ac eithrio gradd anrhydedd), mae'r myfyriwr cymwys, cyn cwblhau'r cwrs hwnnw, yn cael ei dderbyn ar gwrs dynodedig ar gyfer gradd anrhydedd yn yr un pwnc yn yr un sefydliad.

Gwybodaeth Cychwyn

I24 Rhl. 28 mewn grym ar 12.3.2018, gweler [rhl. 1\(2\)](#)

Effaith trosglwyddiad – benthyciadau at ffioedd dysgu

29. Pan fo Gweinidogion Cymru yn trosglwyddo statws myfyriwr cymwys o dan reoliad 28 yn ystod blwyddyn academaidd, mae swm y benthyciad at ffioedd dysgu sy'n daladwy mewn cysylltiad â'r flwyddyn academaidd honno i'w benderfynu gan Weinidogion Cymru fel a ganlyn—

Cam 1

Cyfrifo, yn unol â Rhan 6, symiau'r benthyciad at ffioedd dysgu a fyddai wedi bod yn daladwy mewn cysylltiad ag—

(a) yr hen gwrs, a

(b) y cwrs newydd,

ar gyfer y flwyddyn academaidd gyfan.

Statws Golwg cyfnod mewn amser fel yr oedd ar 30/07/2018.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyryr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)

Cam 2

Gostwng y symiau hyn yn ôl y gyfran honno y mae Gweinidogion Cymru yn meddwl ei bod yn briodol ar ôl rhoi sylw i—

- (a) y diwrnod y mae'r trosglwyddiad yn digwydd arno, a
- (b) yr angen i sicrhau nad yw unrhyw swm yn daladwy mewn cysylltiad â'r ddau gwrs ar gyfer yr un cyfnod.

Gwybodaeth Cychwyn

I25 Rhl. 29 mewn grym ar 12.3.2018, gweler [rhl. 1\(2\)](#)

Effaith trosglwyddiad –benthyciadau cynhaliath a grantiau

30.—(1) Mae'r rheoliad hwn yn gymwys pan fo Gweinidogion Cymru yn trosglwyddo statws myfyriwr cymwys o dan reoliad 28 yn ystod blwyddyn academiaidd.

(2) Os yw rheoliad 31 yn gymwys i'r trosglwyddiad, rhaid i gyfanswm unrhyw fenthyciad cynhaliath a grantiau sy'n daladwy i'r myfyriwr cymwys ar gyfer y flwyddyn academiaidd gael ei ailasesu yn unol â'r rheoliad hwnnw.

(3) Os nad yw rheoliad 31 yn gymwys i'r trosglwyddiad—

- (a) caiff Gweinidogion Cymru ailasesu swm unrhyw fenthyciad cynhaliath a grantiau sy'n daladwy i'r myfyriwr cymwys ar gyfer y flwyddyn academiaidd, ond
- (b) os na wneir unrhyw ailasesiad, cyfanswm unrhyw fenthyciad cynhaliath a grantiau sy'n daladwy i'r myfyriwr cymwys yw'r swm y mae Gweinidogion Cymru wedi ei asesu fel y swm sy'n daladwy i'r myfyriwr ar gyfer y flwyddyn academiaidd mewn cysylltiad â'r hen gwrs.

(4) Mae paragraff (5) yn gymwys pan fo'r trosglwyddiad yn digwydd ar ôl i Weinidogion Cymru asesu swm unrhyw fenthyciad cynhaliath ^[F⁹neu] grantiau sy'n daladwy i'r myfyriwr cymwys ar gyfer y flwyddyn academiaidd mewn cysylltiad â'r hen gwrs ond cyn i'r myfyriwr gwblhau'r flwyddyn honno.

(5) Pan fo'r paragraff hwn yn gymwys, ni chaiff y myfyriwr cymwys wneud cais mewn cysylltiad â blwyddyn academiaidd y cwrs newydd am grant neu fenthyciad arall o fath y mae'r myfyriwr eisoes wedi gwneud cais amdano mewn cysylltiad â blwyddyn academiaidd yr hen gwrs (oni bai bod y Rheoliadau hyn yn rhoi caniatâd penodol i wneud hynny).

(6) Pan, yn union cyn y trosglwyddiad—

- (a) oedd y myfyriwr cymwys yn gymwys i wneud cais am fenthyciad cynhaliath ar gyfer blwyddyn academiaidd yr hen gwrs, a
- (b) nad oedd y myfyriwr cymwys wedi gwneud cais am yr uchafswm yr oedd ganddo hawlogaeth i'w gael,

nid yw paragraff (5) yn rhwystro'r myfyriwr rhag gwneud cais am swm ychwanegol o fenthyciad (pa un a yw ailasesiad yn cael ei wneud o dan y rheoliad hwn neu o dan reoliad 31 ai peidio).

(7) Pan fo myfyriwr cymwys wedi gwneud cais am grant myfyriwr anabl ar gyfer y flwyddyn academiaidd y mae'r trosglwyddiad yn digwydd ynddi, nid yw paragraff (5) yn rhwystro'r myfyriwr rhag gwneud cais pellach o'r fath—

- (a) at ddiben nad yw'r myfyriwr eisoes wedi gwneud cais amdano, neu
- (b) am swm ychwanegol mewn cysylltiad â diben y mae'r myfyriwr eisoes wedi gwneud cais amdano.

Diwygiadau Testunol

F9 Gair yn [rhl. 30\(4\)](#) wedi ei amnewid (30.7.2018) gan [Rheoliadau Addysg \(Cyllid Myfyrrwyr\) \(Diwygiadau Amrywiol\) \(Cymru\) 2018 \(O.S. 2018/814\)](#), [rhlau. 1\(2\)](#), **6**

Gwybodaeth Cychwyn

I26 Rhl. 30 mewn grym ar 12.3.2018, gweler [rhl. 1\(2\)](#)

Trosglwyddiadau sy'n cynnwys trosi rhwng astudio rhan-amser ac astudio llawnamser

31.—(1) Mae'r rheoliad hwn yn gymwys pan, mewn perthynas â throsglwyddiad o dan reoliad 28—

- (a) bo'r hen gwrs yn gwrs llawnamser a bod y cwrs newydd yn gwrs rhan-amser, neu
- (b) bo'r hen gwrs yn gwrs rhan-amser a bod y cwrs newydd yn gwrs llawnamser.

(2) Pan fo'r rheoliad hwn yn gymwys, mae cyfanswm unrhyw fenthyciad cynhaliaeth a grantiau sy'n daladwy i'r myfyriwr cymwys ar gyfer y flwyddyn academiaidd i'w ailasesu gan Weinidogion Cymru fel a ganlyn—

Cam 1

Cyfrifo, yn unol â Rhannau 7 i 11, symiau unrhyw fenthyciad cynhaliaeth a grantiau a fyddai wedi bod yn daladwy mewn cysylltiad ag—

- (a) yr hen gwrs, a
- (b) y cwrs newydd,

ar gyfer y flwyddyn academiaidd gyfan.

Cam 2

Gostwng y symiau hynny drwy eu lluosu â'r ffraciwn priodol.

Cyfanswm y ddau swm a geir o dan Gam 2 yw cyfanswm y benthyciad cynhaliaeth a'r grantiau sy'n daladwy i'r myfyriwr ar gyfer y flwyddyn academiaidd y mae'r trosglwyddiad yn digwydd ynddi.

(3) Yng Ngham 2 o baragraff (2), y ffraciwn priodol mewn perthynas â'r hen gwrs yw'r ffraciwn pan—

- (a) y rhifiadur yw nifer y diwrnodau yn y flwyddyn academiaidd hyd at a chan gynnwys y diwrnod y mae'r trosglwyddiad yn digwydd arno, a
- (b) yr enwadur yw cyfanswm nifer y diwrnodau yn y flwyddyn academiaidd.

(4) Yng Ngham 2 o baragraff (2), y ffraciwn priodol mewn perthynas â'r cwrs newydd yw'r ffraciwn pan—

- (a) y rhifiadur yw nifer y diwrnodau sy'n weddill yn y flwyddyn academiaidd ar ôl y diwrnod y mae'r trosglwyddiad yn digwydd arno, a
- (b) yr enwadur yw cyfanswm nifer y diwrnodau yn y flwyddyn academiaidd.

(5) Er mwyn osgoi amheuaeth, pan fo dyddiad cychwyn y flwyddyn academiaidd ar gyfer y cwrs newydd ar ôl dyddiad cychwyn y flwyddyn academiaidd ar gyfer yr hen gwrs, mae cyfeiriadau ym mharagraff (4) at y flwyddyn academiaidd yn gyfeiriadau at y flwyddyn academiaidd ar gyfer y cwrs newydd.

Gwybodaeth Cychwyn

I27 Rhl. 31 mewn grym ar 12.3.2018, gweler [rhl. 1\(2\)](#)

Statws Golwg cyfnod mewn amser fel yr oedd ar 30/07/2018.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)

Statws

Golwg cyfnod mewn amser fel yr oedd ar 30/07/2018.

Newidiadau i ddeddfwriaeth:

Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau.